

ତୀମଥୁକ ନିକଟକୁ ପାଉଲଙ୍କର ପ୍ରଥମ ପତ୍ର ପାଉଲ୍ ତିମତିଙ୍କେ ଲେଖିରଇବା ପରତୁମ୍ ଚିଠି ଏ ବଇର ବିସଇ ଜାନୁବାଟା

ପରତୁମ୍ ତିମତି ବଇ ଗଟେକ୍ ଚିଠିପାରା । ପେରିଡ୍ ପାଉଲ୍‌ଟାନେଅନି ତରସିସ୍ ତିମତିରପାଇ ଏ ଚିଠି ଲେକାଜାଇ ଆଟେ ।

ପରତୁମ୍ ତିମତି ଜିସୁକିରିସ୍ଟ ଜନମ୍ ଅଇକରି ୬୨-୬୪ ବିଡ୍ରେ ଲେକାଅଇଆଟେ । ଏଟା ପାଉଲ୍‌ର ଜିବନର୍ ସାରାସାରିର୍ ବେଲା ଅଇରଇସି କାଇକି । ପାଉଲ୍ ଆରି ତିମତି ଦୁଇଲକ୍ ମିସିବିଡିକରି ରଇଲା । ସେ କେବେକେବେ ତିମତିଙ୍କେ ପ ବଳିକରି ଡାକ୍ତେ ରଇଲା । ପିଲିପିୟ ୨:୨୨; ପରତୁମ୍ ତିମତି ୧:୨; ୧:୧୮ । ଏଟା ପାଉଲ୍‌ରଟାନେ ଅନି ଲେକି ରଇବା ଚାର୍ଟା ଚିଠି ବିଡ୍ରେ ଅନି ଏଟା ଅଇଲାନି ଗଟେକ୍ । ଜନ୍‌ଟାନେକି ମଣ୍ଡଲିଙ୍କେ ଚାଡିକରି ଗଟେକ୍ ଲକର୍ ବିସଇରେ ଜାନାଇଲାନି । ଅଲ୍‌ଗା ତିନଟା ବଇ, ଦୁଡିଅ ତିମତି, ତିତସ୍ ଆରି ପିଲିମନ୍ । ପରତୁମ୍ ତିମତିଟାନେ ମଣ୍ଡଲିଡେଇ ଏନ୍ତାରି ଉପାସନା କରବା ବିସଇ ଆଟେ । ୨:୧-୫ ।

ଇତି ମଣ୍ଡଲିର୍ ନେତାମନ୍ କେନ୍ତାରି ରଇବାର୍‌ଆଟେ ସେ ବିସଇରେ ଲେକାଅଇଆଟେ । ୩:୧-୧୩ ମିର୍ ସିକିଆ ଦେଉମନର୍‌ଟାନେ ଅନି କେନ୍ତା ଜାଗର୍‌ତା ରଇବାର୍ ସେ ବିସଇରେ ଆଟେ । ୧:୧-୧୧, ୪:୧-୫, ୬:୨-୫ । ତିମତିଙ୍କେ ମଣ୍ଡଲି ବିଡ୍ରେ କେନ୍ତାରି ଗଟେକ୍ ନେତାଅଇବା ଦରକାର୍ ସେଟା ପାଉଲ୍ ସିକିଆଦେବା ବିସଇ ଜାନାଇଲାନି ପରତୁମ୍ ତିମତି ଏବର୍ ଗାଉଁମନ୍‌ଙ୍କେ ରଇବା ମଣ୍ଡଲି ଚାଲାଇବାକେ କେନ୍ତାରି କାମ୍ କରବାର୍ ଆଟେ ସେଟା ଜାନାଇଲାନି । ଆରି ଆମର୍ ଜୁଗର୍ ମଣ୍ଡଲିର୍ ନେତାମନର୍ ପାଇ କେଡେଟା ମୂଲିକା ଉପାଇରେ ସିକାଇଲାନି ।

ଏ ବଇ ବିଡ୍ରେ ରଇବାଟା

- ୧. ପାଉଁଳ ତିମତିକେ ଜୁଆର୍ ଜାନାଇକରି ଲେକ୍‌ଲାଟା ମୁଲିଆଇ ଆଟେ । ୧:୧-୨
- ୨. ପାଉଁଳ ତିମତିକେ ମିର୍ ସିକିଆ ଦେବା ଗୁରୁମନର୍ ବାଟେ ନ ଜିବାକେ ଜାଗରତ୍ କରାଇଆଟେ । ୧:୩-୧୧
- ୩. ପାଉଁଳ କିରିସଟକେ କେତେକ୍ ବିସ୍‌ବାସ୍ କଲାନି ସେଟା ଜିସୁର୍‌ଟାନେ ବୁଜାଇଲାନି । ୧:୧୨-୧୯
- ୪. ପାଉଁଳ ମଣ୍ଡଲିଟାନେ ସେବାକର୍‌ବାଟା ଆରି ନେତାମନର୍ ବିସଇରେ ଆଦେସ୍ ଦେଇ ଆଟେ । ୨-୩
- ୫. ସାରାସାରି ପାଉଁଳ ତିମତିକେ କେତେଟା କର୍‌ବା ବିସଇ ଜାନାଇକରି ଲେକା ସାରାଇଲାନି । ୪-୬

ତିମତିର୍ ଲଗେ ପେରିତ୍ ପାଉଁଳର୍ ପର୍‌ତୁମ୍ ଚିଟି

^୧ ମୁଇ ପାଉଁଳ ଜିସୁକିରିସଟର୍ ଗଟେକ୍ ପେରିତ୍, ଏ ଚିଟି ଲେକ୍‌ଲିନି । ଆମର୍ ମୁକ୍‌ତିକାରିଆ ପର୍‌ମେସର୍ ଆରି ଆମେ ଆସା କରିରଇବା କିରିସଟ୍ ଜିସୁର୍ ଆଦେସ୍ ଇସାବେ ବାଟିଅଇଆଟି ।

^୨ ✨କିରିସଟକେ ବିସ୍‌ବାସ୍ କଲାର୍‌ପାଇ, ତୁଇ ତିମତି ମର୍ ନିଜର୍ ପଥ ଅଇ ଆତୁସ୍ । ଆମର୍ ବାବା ପର୍‌ମେସର୍ ଆରି ମାପୁର୍ ଜିସୁ କିରିସଟ୍ ତମ୍‌କେ ଜିବନ୍ ବୁଜାଇ ଦୟା ଦେକାଅ ଆରି ସାନ୍ତି ଦେଅ ।

ସତ୍ ନଇଲା ଉପ୍‌ଦେସ୍ ପାଇ ଜାଗରତା

^୩ ମୁଇ ମାକିଦନିଆଇ ଜିବା ଆଗ୍‌ତୁ ତମ୍‌କେ ଏପିସିଅତେଇ ରୁଆ ବଲି କଇରଇଲି । ତେଇ ଜନ୍ ଲକ୍‌ମନ୍ ବୁଲ୍ ସିକିଆ ସବୁ ଦେଲାଇନି, ସେମନ୍‌କେ ବୁଲ୍ ସିକିଆ ଦେବାଟା ବନ୍ଦ୍ କର୍‌ବାକେ ଆଦେସ୍ ଦିଆସ୍ ବଲି ମୁଇ ତମ୍‌କେ କଇରଇଲି । ^୪ ସେମନ୍ ଟଣ୍ଡେ ପାନ୍ଦି କାତା କଇବାଇ ଆରି ଆଗ୍‌ତୁର୍ ଆନିଦାଦିମନର୍ କୁଟୁମର୍ କାତା ତିଆର୍ କର୍‌ବାଟା ଚାଡାବଲି ତିଆରା । ଲକ୍‌ମନ୍‌କେ ଏନ୍ତାରି ସିକିଆ ଦେଇତେରଇଲେ ଲକ୍‌ମନ୍ ତେଇ ଦଦାପେଲା ଅଇବାଇ । ବିସ୍‌ବାସ୍ ମାନିକରି ଜନ୍‌କାମ୍ ପର୍‌ମେସର୍ ସେମନ୍‌କେ କରତ୍ ବଲି ମନ୍ କଲାନି, ସେଟା ସେମନ୍ କରତ୍ ନାଇ । ^୫ ତମେ ଏନ୍ତାରିଟା ତିଆରା ଜେନ୍ତାରିକି, ସେମନ୍ ଗଟେକ୍ ଲକ୍ ଆରିଗଟେକ୍ ଲକ୍‌କେ ଆଲାଦ୍ କର୍‌ବାଇ । ଜନ୍ ଲକ୍‌ମନ୍‌କେ ସତ୍ ବିସ୍‌ବାସ୍ ଆରି ସୁକଲ୍ ଜିବନ୍,

✨ ୧:୨ ପେରିତ୍ ୧୭:୧

କାଈ କପଟ୍ ନ ରଇବା ମନ୍ ଆଚେ, ସେମନ୍‌ସେ ଏଟା କରାପାରୁବାଇ ।^୭ ମାତର୍ ଜନ୍ ଲକ୍ମନ୍ ବୁଲ୍ ସିକିଆ ଦେଲାଇନି, ଏ ସବୁ ବିସଇ ଚାଡ଼ିଦେଇକରି ରୁଟା ବିସଇ କାତା ଅଇଲାନି ।^୭ ନିୟମ୍ ଗୁରୁ ଇସାବେ ସବୁଲକ୍ ସେମନ୍‌କେ ନାମଡ଼ ବଲି ସେମନ୍ ମନ୍ କଲାଇନି । ମାତର୍ ସେମନ୍ ସିକାଇବା ବିସଇ ନିଜେ ବୁଜଡ଼ନାଇ ଆରି ସାଆସ୍ ସଙ୍ଗ୍ ଜନ୍‌ଟା ସଡ଼ ବଲି କଇଲାଇନି, ସେଟା ସଡ଼ କି ନଏଁ ବଲି ନାଜାନଡ଼ ।

୮ ପର୍ମେସରର୍ ନିୟମ୍‌ଟାନେ କାଈ ଅନିଆଇ ନାଇ । ମାତର୍ ଲକ୍ମନ୍ ସେଟା ଟିକ୍ ସଙ୍ଗ୍ ସିକାଇବାର୍ ଆଚେ ।^୯ ଦରମ୍ କାମ୍ କରବା ଲକ୍ମନର୍‌ପାଇ ନିୟମ୍ ତିଆର୍ ନ ଅଇରଇଲା । ତାର୍ ବାଦୁଲେ ଜନ୍ ଲକ୍ମନ୍ ତାର୍ ବିରଦି ଅଇରଇଲାଇ, ଆରି ତାର୍ କାତା ମାନି ନ ରଇଲାଇ, ସେନ୍ତାରି ଲକ୍ମନର୍ ପାଇ ପର୍ମେସର୍ ନିୟମ୍ ତିଆର୍ କରିରଇଲା । ଜନ୍ ଲକ୍ମନ୍ ପର୍ମେସର୍ ରଏ ନାଇ ବଲି ଚଲାଚଲ୍ତି କଲାଇନି, ଜନ୍ ଲକ୍ମନ୍ ପାପ୍ କରବାଇ, କରାପ୍ କାମ୍ କର୍ତ୍ତେରଇବାଇ, ଆରି ପର୍ମେସର୍‌କେ ସନ୍‌ମାନ୍ ନ ଦେଇତେରଅଡ଼, ଜନ୍‌ଲକ୍ମନ୍ କି ତାକର୍ ଆୟା ବାବାମନ୍‌କେ ମରାଇବାଇ କି ବିନ୍ ଲକ୍ମନ୍‌କେ ମିସା ମରାଇବାଇ,^{୧୦} ବେବିଚାର୍ କାମ୍ କରି ପାପ୍ କରବାଇ, ମୁନ୍‌ସମୁନ୍‌ସ୍ ବିଡ଼ରେ ଆରି ମାଇଜିମାଇଜି ବିଡ଼ରେ ବେବିଚାର୍ କାମ୍ କରବା ଲକ୍ମନର୍‌ପାଇ, ଗତିଦାଙ୍ଗ୍‌ତା ଇସାବେ ଲକ୍ମନ୍‌କେ ବିକ୍‌ବା ସାଉକାର୍ ମନର୍‌ପାଇ, ଜନ୍ ଲକ୍ ସଡ଼ କଅଡ଼ନାଇ, ସଡ଼ସେ କଇବି ବଲି କାତା ଦେଇରଇକରି ମିଡ଼ କଇବା ଲକ୍ମନର୍‌ପାଇ ଆରି ପର୍ମେସରର୍ ବିସଇଟାନେ ରଇବା ସଡ଼ ସିକିଆ ବିରୁଦ୍ଧେ ଜେଡ଼କି ସବୁ କାତା ଉଟ୍‌ସି, ସେ ସବୁର୍‌ପାଇ ।^{୧୧} ଏ ସଡ଼ ସିକିଆ ସୁବ୍‌କବରର୍ ସିକିଆ ସଙ୍ଗ୍ ମିସ୍‌ସି । ଆମର୍ ଡାକ୍‌ପୁଟା ପର୍ମେସରର୍ ମଇମା ଆରି ଜନ୍ ସୁବ୍‌କବର୍ ଜାନାଅ ବଲି ସେ ମକେ ଦାଇଡ଼ ଦେଲାଆଚେ, ସେଟାମିସା ମିସ୍‌ସି ।

ମାପୁରୁର୍ ଦୟାର୍ ପାଇ ଦନିଅବାଦ୍

^{୧୨} ଆମର୍ ମାପୁରୁ ଜିସୁ କିରିସ୍‌ଟକେ ମୁଇ ଦନିଅବାଦ୍ ଦେଲିନି । ସେ ମକେ ବପୁ ଦେଲାଆଚେ । ତାର୍ ମୁଆଟେ ଗଟେକ୍ ବିସ୍‌ବାସ୍ ସଙ୍ଗ୍ ରଇବା ଗତି ଦାଙ୍ଗ୍‌ତା ଇସାବେ ଏଜ୍‌ଲା ଆରି

ତାକେ ସେବା କରବାକେ ମକେ ବାଟୁଲା । ୧୩ ☆ଗଟେକ୍ ବେଲାଇ କିରିସ୍‌ଟର୍ ବିସଇର୍ କାରାପ୍ କାତା କଇତେରଇଲେ ମିସା ଆରି ବିନ୍ ବିସବାସିମନ୍‌କେ କାରାପ୍ ଇସାବେ ଦେକି ନିନ୍ଦା କରତେରଇଲି ମିସା, ପରମେସର୍ ମକେ ଦୟା ଦେକାଇଲା । କାଇକେବଇଲେ ମୁଇ କାଇଟା କରତେରଇଲି, ସେଟା ନିଜେ ନାଜାନ୍‌ତେରଇଲି । ଆରି ମୁଇ କିରିସ୍‌ଟକେ ବିସବାସ୍ ନ କରିରଇଲି । ୧୪ ଆମର୍ ମାପୁର୍ ମକେ ବେସି ଦୟା ଦେକାଇଲା । ଜେନ୍ତାରି କି, କିରିସ୍‌ଟ ଜିସୁର୍ ସଙ୍ଗ୍ ମିସ୍‌ଲାର୍‌ପାଇ ମୁଇ ତାକେ ବିସବାସ୍ କରି ବିନ୍ ଲକ୍‌ମନ୍‌କେ ଆଲାଦ୍ କରିପାରୁଲି । ୧୫ ଏଟା କଇବାଟା ପୁରାପୁରୁନ୍ ସତ୍ ଆତେ । ଆରି ସେଟା ଅଇସି କି ନ'ଏଁ ବଲି ନ ବାବିକରି ନାମ୍‌ବାର୍ ଆତେ । ପାପିମନ୍‌କେ ଉଦାର୍ କରବାକେ କିରିସ୍‌ଟ ଜିସୁ ଏ ଜଗତେ ଆଇଲା ଆରି ପାପିମନ୍‌ର ବିତ୍‌ରେଅନି ମୁଇ ବଡ୍ ପାପି । ୧୬ ଏଲେମିସା ଏଟାର୍‌ପାଇ ମକେ କିରିସ୍‌ଟ ଦୟା ଦେକାଇଲା । ସେ ମକେ କେମା କଲାକେ କେତେକ୍ ମୁର୍ଚ୍ଚିକରି ଆତେ ବଲି ଦେକାଇବାକେ ସେ ମନ୍ କଲା । ବିନ୍ ଲକ୍‌ରଟାନେଅନି ମୁଇ ଅଦିକ୍ ପାପ୍ କଲିଆଟି । ଏଟା ଏନ୍ତାରି ଅଇଲା । ଜେନ୍ତିକି ଦିନେକ୍ ଜେଡ୍‌କି ଲକ୍‌ସବୁ ତାକେ ବିସବାସ୍ କରି ସବୁଦିନର୍‌ପାଇ ମୁକ୍ତି ପାଇବାଇ ସେମନ୍‌ର୍‌ପାଇ ମୁଇ ଗଟେକ୍ ସାକି ଇସାବେ ରଇବି । ୧୭ ଜନ୍ ରାଜା କାଲ୍ କାଲ୍ ଜୁର୍ ଜୁର୍ ସାସନ୍ କରସି, ଆରି ଜାକେ କି କେ ଦେକି ନାପାରତ୍, ସେ ଆକା ଗଟେକ୍ ପରମେସର୍ । ସେ କାଲ୍ କାଲ୍ ଜୁର୍ ଜୁର୍ ମଇମା ଆରି ସନ୍‌ମାନ୍ ପାଅ । ଆମେନ୍ !

୧୮ ମର୍ ପଅ ଡିମତି, ମୁଇ ତକେ ଏଟା ଡିଆରୁଲିନି, ତମେ କାଇଟା କରସା ବଲି ସୁକଲ୍‌ଆଡ୍‌ମା କେତେଟା ବବିସତ୍‌ବକ୍‌ତାମନ୍‌କେ ଜାନାଇରଇଲା ଇସାବେ ମୁଇ ଏଟା କଇଲିନି । ସେ ବବିସତ୍‌ବକ୍‌ତାମନ୍ କଇଲା ବିସଇ ସୁବ୍‌କବରର୍ ଦେକାରକା କରବା ଜୁଇଦର୍ କାମେ ତମେ ଜେନ୍ତିକି ସାର୍‌ଦା ସଙ୍ଗ୍ ମିସ୍‌ସା, ସେ ବିସଇ କଇଲିନି । ୧୯ ତାର୍‌ସଙ୍ଗ୍ ସବୁବେଲେ ବିସବାସ୍ କରବାଟା ଚାଡାନାଇ । ଆରି ଏଟା ସତ୍ ବଲି ନିଜେ ଜାନିରଇବା ବିସଇ କରତେରୁଆ । କେତେକ୍ ଲକ୍ ନିଜର୍ ବିବେକ୍ କଇବାଟାକେ ଦିଆନ୍ ନ ଦେଇକରି

☆ ୧:୧୩ ୧:୧୩ ପେରିଡ୍ ୮:୩;୯:୪,୫

କିରିସ୍ତଙ୍କେ ବିସ୍ବାସ୍ କରବାଟା ଚାଡ଼ିଦେଇଆଚନ୍ତ । ^{୨୦} ସେମନର୍ ବିତ୍ତରେ ଉମନାୟକେ ଆରି ଆଲେକ୍‌ଜାଣ୍ଡ୍ରାଙ୍କେ ବିନ୍ ବିସ୍ବାସି ମନର୍‌ଟାନେଅନି ବେଗ୍‌ଲାଇକରି ସଇତାନ୍‌କେ ସର୍ପଦେଲିଆତି । ଏନ୍ତାରି କଲେ ପର୍‌ମେସର୍‌ର ବିରଦେ କାରାପ୍ କାତା କଇବାଟା ସେମନ୍ ଚାଡ଼ିଦେବାଇ ବଲି ଆସା କଲିନି ।

୨

ପାର୍‌ତନାର ନିୟମ

^୧ ପର୍‌ତୁମ୍ ବିସଇ ତମ୍‌କେ ଡାବ୍‌ସଙ୍ଗ୍ କଇଲିନି, ସେଟା ଅଇଲାନି ସର୍‌ପୁର୍‌ଟାନେଅନି ମୁକିଅ ବିସଇ । ସର୍‌ପୁ ଲକ୍‌ମନର୍‌ପାଇ ପର୍‌ମେସର୍‌କେ ଗୁଆରି କରା । ସେମନର୍‌ପାଇ ପାର୍‌ତନା କରି ମଜାଇ ଉଆ ଆରି ସେମନର୍ ପାଇ ତାକେ ଦନିଅବାଦ୍ ଦିଆସ୍ । ^୨ ରାଜା ମନ୍‌କେ ଆରି ଅଦିକାରେ ରଇକରି ସାସନ୍ କର୍‌ବା ଲକ୍‌ମନର୍‌ପାଇ ପାର୍‌ତନା କରା । ସେନ୍ତାରି କଲେ କାଇଟା ନ ଅଇତେ ସାନ୍ତିସଙ୍ଗ୍ ରଇପାର୍‌ସା । ଆରି ଆମେ କାକେ ନ ଡର୍‌ତେ ପର୍‌ମେସର୍‌କେ ପାର୍‌ତନା କରି ତାର୍ ମନ୍ କଲା ଇସାବେ ଚଲାଚଲତି କରିପାର୍‌ବୁ । ^୩ ଲକ୍‌ମନର୍ ପାଇ ଏନ୍ତାରି ପାର୍‌ତନା କରବାର୍ ଦରକାର୍ ଆକା । କାଇକେବଇଲେ ଏ ରକାମର୍ ପାର୍‌ତନା ଆମର୍ ଉଦାର୍‌କାରିଆ ପର୍‌ମେସର୍‌କେ ସାର୍‌ଦା କରାଇସି । ^୪ ସର୍‌ପୁଲକ୍ ଜେନ୍ତାର୍ କି ରକିଆ ପାଅଡ୍ ଆରି ସଡ୍ ବିସଇ ଜାନଡ୍ ବଲି ପର୍‌ମେସର୍ ମନ୍ କଲାନି । ^୫ କାଇକେବଇଲେ ଗଟେକ୍ ସେ ପର୍‌ମେସର୍ ଆଟେ । ଆରି ଗଟେକ୍‌ସେ ଲକ୍ ଆଟେ, ଜେ କି ପର୍‌ମେସର୍ ଆରି ଲକ୍‌ମନର୍ ବିତ୍ତରେ ସାନ୍ତି ଆନିପାର୍‌ସି । ସେ ଲକ୍ ଅଇଲାନି ଜିସୁ କିରିସ୍ଟ । ^୬ ସର୍‌ପୁଲକ୍‌କେ ମୁକ୍‌ଲାଇବାକେ ସେ ନିଜେ ସର୍‌ପି ଅଇଲା । ସମାନ୍ ବେଲାଇ ପର୍‌ମେସର୍ ତାକେସେ ବାଟ୍‌ଲା । ସେ ସର୍‌ପୁକେ ରକିଆ କର୍‌ବି ବଲି ମନ୍ କଲାଟା ଏନ୍ତାରି ଜାନାଇଲା । ^୭ *ତେବର୍‌ପାଇ ପର୍‌ମେସର୍ ତାର୍ ସୁବ୍ କବର୍ ଜାନାଇବାକେ ଆରି ତାର୍ ପେରିଡ୍ ଅଇବାକେ ମକେ ବାଟ୍‌ଲା । ମୁଇ ମିଡ୍ କଇନାଇ, ସଡ୍‌ସେ କଇଲିନି । ଜିଉଦି ନ ଅଇଲା ଲକ୍‌ମନକେ ମିସା ସୁବ୍ କବରର୍ ସଡ୍ ବିସଇ ଜାନାଇବାକେ ମକେ ବାଟିରଇଲା ।

☆ ୨:୭ ୨:୭ ୨ୟ ଭିମତି ୧:୧୧

୮ ମୁଇ ମୁନୁସ୍ ପିଲାମନକେ କଇଲିନି, ସେମନ୍ ଜେଡେବେଲେ ପାର୍ତନା କରବାକେ ରୁଣ୍ଡବାଇ, ସୁକଲ୍ ତଲାଚଲ୍ତି ଅଇକରି ତାକର୍ ଆଡ୍ ଟେକି ପାର୍ତନା କରଡ୍ । ଜଦି ଏବେ ମିସା ସେମନ୍ ଦଦାପେଲା ଅଇରଇଲେ କି ଲାଗାଲାଗି ଅଇରଇଲେ, ସେଟା ରାଜିନାମା କରବାର୍ ଆଟେ । ୯ *ସେନ୍ତାରିସେ ମାଇଜିମନ୍ ମିସା ଜାଗରଡ୍ ରଇକରି ସୁଆଲ୍‌ସୁତର୍ ଉଆ । ମୁଣ୍ଡର୍ ଚେଣ୍ଡିତେଇ ଚିକଟାକ୍ ନ କରି, ସୁନା କି ମୁକ୍ତା କି ଅଦିକ୍ ଦାମ୍ ଦେଇରଇବା ଲୁଗା ନ ପିନ୍ଦିକରି, ନିକ ବୁଦିସଙ୍ଗ୍ ମରଜିତା ସଙ୍ଗ୍ ନିଜ୍‌କେ ମାନ୍‌ଲାପାରା ତିଆର୍ ଉଆ । ୧୦ ତାର୍ ବାଦୁଲେ ବିନ୍‌ଲକ୍‌ମନକେ ଦୟା ଦେକାଅଡ୍ । ପର୍‌ମେସରକେ ଜୁଆର୍ କଲୁନି ବଲି କଇବା ମାଇଜିମନର୍‌ପାଇ ସେଟା ନିକ ତଲାଚଲ୍ତି ଅଇସି । ୧୧ ମାଇଜିମନ୍ ଚିମ୍‌ରାଇଅଇ ରଇ ସୁଆଲ୍‌ସୁତର୍ ଅଇକରି ବସଡ୍ । ୧୨ ମୁଇ ମାଇଜିମନକେ ସିକାଇବା ଅଦିକାର୍ କି ମୁନୁସର୍ ଉପ୍‌ରେ ସାସନ୍ କରବା ଅଦିକାର୍ ଦେଇନାଇ । ତାର୍ ବାଦୁଲେ ସେମନ୍ ଚିମ୍‌ରାଇଅଇ ରଅଡ୍ । ୧୩ କାଇକେ ବଇଲେ ପର୍‌ମେସର୍ ପର୍‌ତମେ ଆଦମ୍‌କେ ତିଆର୍ କଲା । ତାର୍ ପଟେ ଅବାକେ । ୧୪ ପର୍‌ତମେ ଆଦମ୍ ସଇତାନର୍‌ଟାନେ ନାତାଇ ଅଏନାଇ, ମାତର୍ ମାଇଜି ନାତାଇ ଅଇ ପର୍‌ମେସରର୍ ଆଦେସ୍ ନ ମାନିକରି ପାପି ଅଇଲା । ୧୫ ମାତର୍ ମାଇଜିମନ୍ ପିଲାଟକିମନକେ ଜନମ୍ ଦେଇକରି ଉଦାର୍ ପାଇବାଇ । ସେମନ୍ କିରିସ୍‌ଟକେ ବିସ୍‌ବାସ୍ କରି ବିନ୍‌ ଲକ୍‌ମନକେ ଆଲାଦ୍ କରି ସୁଆଲ୍ ସୁକଲ୍ ସଙ୍ଗ୍ ତଲାଚଲ୍ତି କରଡ୍ ।

୩

ମଣ୍ଡଲିର୍ ନେତାମନ୍

୧ ଏ କାତା ସଡ୍ ଜେ, କେ ଜଦି ମଣ୍ଡଲିଟାନେ ମୁକିଅ ପଦ୍ ପାଇବାକେ ମନ୍ କଲାନ୍ତି, ତେବେ ସେ ନିମାନ୍ କାମ୍ କରବାକେ ମନ୍ କଲାନ୍ତି । ୨ *ଡେବର୍‌ପାଇ ଜେନ୍ତିକି ତାର୍ ଜିବନେ ବିନ୍‌ ଲକ୍‌ମନର୍ କାଇ ନିନ୍ଦା ନ ରଇବାର୍ । ସେ ଗଟେକ୍ ମାଇଜି ସଙ୍ଗ୍‌ଇରଇବାର୍ ଆଟେ । ନିଜେ ଜାଗରଡ୍ ରଇକରି, ନିଜର୍ ଜିବନେ ସୁସ୍‌ତା ରଇକରି,

ସବୁଲକ୍ଷ୍ମୀ ସନ୍ତାନ ପାଇକରି, ଆଇଲା ଲକ୍ଷ୍ମୀଙ୍କେ ଡାକିନେବା ପାରି ଲକ୍ଷ୍ମୀ ଅଇକରି, ଲକ୍ଷ୍ମୀଙ୍କେ ବୁଦ୍ଧିର କାତା ସିକାଇବା ଲକ୍ଷ୍ମୀ ଅଇ, ୩ ନ ମାତି କରି, କିରମାର ନ ଅଇକରି ସାକ୍ତିସଙ୍ଗ ରଇ, ଦଦାପେଲା ନ ଅଇକରି, ଦନ୍ ମିଲାଇବାକେ ଆସା ନ ଅଇକରି ରଇବାର ଆଚେ । ୪ ନିଜର କୁଟୁମ୍ବକେ ନିକକରି ଚାଲାଇତେରଇବାର ଆଚେ । ଆରି ତାର ପିଲାଟକିମନ୍ତେ ସେ ତିଆରଲାଟା ମାନବାକେ ବାଦିଅ କରାଇବା ସିକିଆ ଦେଇରଇବାର ଆଚେ । ୫ ଜଦି କେ ମିସା ନିଜର କୁଟୁମ୍ବକେ ଚାଲାଇବାର ନାଜାନେ, ସେ କେନ୍ଦ୍ର ପରମେସରର ମଣ୍ଡଲିର ଦାଇଡ଼ ନେଇପାରସି ? ୬ ସେ ନୁଆ ନୁଆ ବିସ୍ବାସ କରବା ଲକ୍ଷ୍ମୀ ନ ରଇବାର ଆଚେ । ନଇଲେ ସେ ବଡ଼ପନିଆ ଅଇକରି ସଇତାନ ଜେନ୍ତାରି ଡଣ୍ଡ ପାଇଲା, ସେ ମିସା ସେନ୍ତାର ଡଣ୍ଡ ପାଇସି । ୭ ତାର ଚଲାଚଲ୍ଲତି ଦେକି ବିସ୍ବାସ ନ କରବା ଲକ୍ଷ୍ମୀ ମିସା ତାକେ ଗଟେକ୍ ସନ୍ତାନର ଲକ୍ଷ୍ମୀ ପାରି ନାମ୍ବାର ଆଚେ । ଜେନ୍ଦ୍ରକି ଲକ୍ଷ୍ମୀ ତାକେ ନିନ୍ଦା ନ କରି ସଇତାନର ପାନ୍ଦେ ନ ଲାଗେ ।

ମଣ୍ଡଲିର ସେବା କରୁମନ୍

୮ ସେନ୍ତାରିସେ ମଣ୍ଡଲିର ସେବା କରୁମନ୍ ମୁକ୍ତିର ପାରି ସବୁ ଲକ୍ଷ୍ମୀଗାନେଅନି ସନ୍ତାନ ପାଇବା ଲକ୍ଷ୍ମୀ ରଇବାର ଆଚେ । ସେମନ୍ ସଡ଼ ବାବେ ଚଲାଚଲ୍ଲତି କରବାର ଆଚେ । ମଦୁଆ ଲକ୍ଷ୍ମୀ ଅଇ ରଇବାର ନାଇ । ତାବୁକାସୁର ପାଇ ଆସା ନ ରଇବାର ଆଚେ । ୯ ପରମେସର ଜନ୍ ସଡ଼ କବର ସେମନ୍ତେ ଜାନାଇଆଚେ, ସେଟା ସେମନ୍ ଡାଟ୍ ସଙ୍ଗ ବିସ୍ବାସ କରବାର ଆଚେ । ଆରି ସେମନ୍ ପାପେ ରଉନାଇ ବଲି ତାକର ବିବେକ୍ ସାକିଦେବାର ଆଚେ । ୧୦ ମଣ୍ଡଲିର ସେବାକରୁ ଅଇବା ଆଗ୍ଡୁ ବିନ୍ ଲକ୍ଷ୍ମୀ ସେମନ୍ତେ ପରିକା କରି ଦେକଡ଼ । କାଇ ଦସ୍ ନ ରଇଲେ ସେମନ୍ ସେବା କରବାକେ ଦାଇଡ଼ ନେଅଡ଼ । ୧୧ ସେନ୍ତାରିସେ ତାକର ମାଇଜିମନ୍ ମିସା ବିନ୍ଲକ୍ଷ୍ମୀ ସନ୍ତାନ ପାଇଲା ପାରି ଚଲାଚଲ୍ଲତି କରଡ଼ । ସେମନ୍ ତିପୁଲ୍ କାତା କଇବାର ନାଇ । ତାର ବାଦୁଲେ ନିଜେ ଜାଗରଡ଼ ରଇବାର ଆଚେ । ସେମନ୍ ସଡ଼ ଲକ୍ଷ୍ମୀ ବଲି ବିନ୍ ଲକ୍ଷ୍ମୀ ଆସା କରବାର ଆଚେ । ୧୨ ସେବାକରୁ ଗଟେକ୍ ମାଇଜି ସଙ୍ଗଇ, ତାର ପିଲାଟକିମନ୍ତେ, ତାର କୁଟୁମ୍ବର ବିନ୍ ଲକ୍ଷ୍ମୀଙ୍କେ, ଆରି ଗତିଦାଙ୍ଗତାମନ୍ତେ ନିକସଙ୍ଗ

ଜତନ୍ କରବାରୁ ଆଚେ । ୧୩ ସେବାକାରିଆମନ୍ ଆବଡ଼ ଅଇ ନିକ କାମ୍ କଲେ, ଲକ୍ମନରୁ ଚାନେଅନି ଅଦିକ୍ ସନ୍ମାନ ମିଲ୍‌ସି । ସେନ୍ତାରି ଲକ୍ କରସ୍ତ ଡିସୁର ବିସଇ ବିନ୍ ଲକ୍ମନକେ ଡାଟ୍ ସଙ୍ଗ୍ କଇପାରୁବାଇ ।

ବିସ୍‌ବାସ୍‌ର ସତ୍

୧୪ ମୁଇ ଏପିସେ ଆସି ଦାପ୍‌ରେ ତମ୍‌କେ ଦେକ୍‌ବି ବଲି ମନ୍ କଲିନି । ଅଇଲେ ମିସା ଏ ଚିଟିଚାନେ ତମ୍‌କେ ମୁଇ ତିଆରୁଲିନି । ୧୫ କାଇକେବଇଲେ ଜଦି ମର୍ ଆଇବାଟା ଅଲ୍‌ସମ୍ ଅଇଲେ ମିସା, ପର୍‌ମେସରର୍ କୁଟୁମ୍ ଇସାବେ ମଣ୍ଡଲିଟାନେ ତମେ ଗଟେକ୍ ଲକ୍ ଆରିଗଟେକ୍ ଲକ୍‌କେ କେନ୍ତାରି ମିସିକରି ରଇବାରୁଆଚେ, ସେ ବିସଇ ତମେ ଜାନ୍‌ସା । ଏ ମଣ୍ଡଲି ପର୍‌ମେସରର୍, ଜେକି ସତଇସେ ବଠିଆଚେ । ସେ କୁନାଦି ଆରି ମୁଲ୍ ଡେଲି ପାରା ଅଇ ସତ୍ ବିସଇକେ ଡାଟ୍ କରାଇଲାନି ।

୧୬ ଆମର୍ ବିସ୍‌ବାସ୍‌ଟାନେ କେ ନାଜାନ୍‌ଲା ପାରା ବିସଇ ଲୁଟିକରି ଆଚେ । ସେନ୍ତାରି ନିର୍ ବଲି କେ କଇନାପାରଡ୍ ।

“ଜିସୁକିରିସ୍‌ଟ ନର୍ ରୁପ୍ ଦାରି ଆଇଲା ।

ସେ ନିଜେ ପର୍‌ମେସରର୍ ପଅ ବଲି ସୁକଲ୍ ଆଡ୍‌ମା କାତାଦେଲା ଆଚେ ।

ଦୁଡ୍‌ମନ୍ ତାକେ ଦେକ୍‌ଲାଇ ।

ଡାର ବିସଇର୍ ସତ୍ କବର୍ ଗୁଲାଇ ରାଇଜେ ଜାନାଇଲାଇ ।

ସବୁ ଜାଗାରୁ କେଡେକ୍ କେଡକ୍ ଲକ୍ମନ୍ ତାକେ ବିସ୍‌ବାସ୍ କଲାଇ ।

ପର୍‌ମେସର୍ ତାକେ ସର୍‌ଗେ ନେଲା ।”

୪

ବୁଲ୍ ସିକିଆ ଦେଉମନ୍‌କେ ଜାଗ୍‌ରତା କରାଇବାଟା

୧ ସୁକଲ୍ ଆଡ୍‌ମା ନିକସଙ୍ଗ୍ କଇଲାନି, ସାରାସାରି ଦିନେ, ଲକ୍ମନ୍ ସତ୍ ବିସଇ ବିସ୍‌ବାସ୍ କରବାଟା ଚାଡିଦେବାଇ । କାରାପ୍ ଆଡ୍‌ମାମନର୍ ସିକିଆ ମାନ୍‌ବାଇ । ଆରି ସେମନ୍ ସିକାଇବା ବୁଲ୍ ସିକିଆ ବିସ୍‌ବାସ୍ କରବାଇ । ୨ ଏନ୍ତାରି ସିକିଆ ଦେବାବେଲେ ଏଟା ସତ୍ ସିକିଆବଲି ଲକ୍ମନ୍ ମାନ୍‌ବାଇ । ମାତର୍ ସେଟା ମିଡ୍ ସିକିଆ

ରଇସି । ସେମନ୍ ଟିକ୍ କଲାଇନି କି ବୁଲ୍ କଲାଇନି, ସେଟା ନିଜେ ଜାନି ନ ରଥଡ଼ । ଜେନ୍ତାରି କି ତପଲା ଲୁଆସଙ୍ଗ୍ ମାଉଁସ୍‌ଟାନେ ଚାପଲେ ମରିଜାଇସି, ସେନ୍ତାରିସେ । ୩ ସେମନ୍, ମାଇଜି ମନସ୍ ବିବା ଅଇବାର୍ ନାଇ ଆରି କାଇ କାଇ କାଦି କାଇବାର୍ ନାଇ ବଲି ବୁଲ୍ ସିକିଆ ଦେବାଇ । ସବୁ ରକାମର୍ କାଦି ପର୍ମେସର୍ ତିଆର୍ କଲାଆଟେ । ଜେନ୍ତି କି ଜେଡ଼କି ସବୁ ଲକ୍ ତାର୍ ସଡ଼ କବର୍ ବିସ୍‌ବାସ୍ କରବାଇ, ସେମନ୍ ସେ କାଦିର୍ ଲାଗି ତାକେ ଦନିଅବାଦ୍ ଦେବାଇ । ୪ ସେନ୍ତାରି ସିକିଆ ଦେଉମନ୍ ବୁଲ୍ ସିକିଆ ଦେଲାଇନି । କାଇକେବଇଲେ କାଦି ଆରି ପର୍ମେସର୍ ତିଆର୍‌କଲା ସବୁ ବିସଇ ନିକିଆଟେ । ଆରି କାଇ ରକାମର୍ କାଦି ମିସା ନିଡ଼ବାର୍ ନାଇ । ତାର୍ ବାଦୁଲେ ସବୁ କାଦି ନିକ ବଲି ମାନିକରି ତାକେ ଦନିଅବାଦ୍ ଦେବାର୍ ଆଟେ । ୫ କାଇକେବଇଲେ ପର୍ମେସର୍ କଇରଇବା ବାକିଅ ଆରି ଆମର୍ ପାର୍ତନା ବିସଇ ସବୁ ସୁକଲ୍ ଅଇଆଟେ ।

କିରିସଟ ଜିସୁର୍ ନିକ ସେବାକାରିଆ

୬ ଏ ସବୁ ବିସଇ ତମେ ବିସ୍‌ବାସିମନ୍‌କେ ସିକାଇବାର୍ ଲାଗି, ତମେ ଜିସୁ କିରିସଟକେ ସେବା କଲାସିନି । ତମର୍ ବିସ୍‌ବାସର୍ ଲାଗି ଆରି ସଡ଼ ସିକିଆ ମାନ୍‌ଲାର୍ ଲାଗି ପର୍ମେସର୍ ତମ୍‌କେ ବଡ଼ାଇସି । ୭ ଜନ୍ ସବୁ ସିକିଆ ମିଡ଼, ଆରି ଜନ୍‌ଟା ସବୁ ଟଣ୍ଡେପାଦି କଇବାଟାନେ ଅନି ଦୁରିକେ ରୁଆ । ତାର୍ ବାଦୁଲେ ନିଜେ ଜାଗରଡ଼ ରଇକରି ପର୍ମେସର୍ ଜନ୍‌ଟା ମନ୍ କଲାନି, ସେନ୍ତାରି ଚଲାଟଲ୍‌ତି କରା । ୮ କାଇକେବଇଲେ ଗାଟଡ଼କେ ବୁଲାଟାଲା କରି ନିକ ସଙ୍ଗ୍ ସଙ୍ଗାଇବାଟା କେତେଟା କାମର୍ ପାଇ ନିକ ବିସଇ । କାଇକେବଇଲେ ଏଟା ଜଗତେ ବଢ଼ିରଇଲେ କି ମରିଗାଲେ ମିସା ତାକେ ଲଡ଼ାକେ ଆଇସି । ମାତର୍ ଆଡ଼ମାଇ ଚଲାଟଲ୍‌ତି କରବାଟା ସବୁ କାମେ ନିକ ରଇସି । ୯ ଏଟା ବାଇଦରେ ସଡ଼ ଆକା । ଏଟା ସବୁଲକ୍ ଅଇସି କି ନ ଅଏ ବଲିକରି ପୁରାପୁରୁନ୍ ବିସ୍‌ବାସ୍ କରିଅଇସି । ୧୦ ଆମେ ପର୍ମେସର୍‌କେ ବିସ୍‌ବାସ୍ କଲାର୍‌ପାଇ କସ୍‌ଟ ଅଇ କାମ୍ କରି ଏଟା ଆସା କଲୁନି । ସେ ସତଇସେ ବଢ଼ିଆଟେ । ସେ ଗୁଲାଇ ମନସ୍ ଜାତିର୍ ଉଦାର୍‌କାରିଆ, ଜେଡ଼କି ସବୁ ତାକେ ବିସ୍‌ବାସ୍ କଲାଇନି, ତାକର୍‌ପାଇ ଅଦିକ୍ ।

୧୧ ମୁଈ ତମକେ ଜେଡ଼କି ବିସଇ ଲେକ୍‌ଲିଆତି ସେଟାସବୁ ବିନ୍ ଲକ୍‌ମନକେ ସିକାଆ ଆରି ତିଆରା । ୧୨ ତକେ ଦାଙ୍ଗଡ଼ା ଆଟେ ବଲି କେ ମିସା ଇନ୍ ନ କର । ମାତର ସବୁ ବିସବାସି ମନରପାଇ ଗଟେକ୍ ସାକିପାରା ନିକ ଚଲାଚଲ୍‌ତି କର । ସବୁ ବେଲେ ସଡ଼ କାତା କଇତେର, ନିକସଙ୍ଗ ଚଲାଚଲ୍‌ତି କରତେରଇବା, ଲକ୍‌ମନକେ ଆଲାଦ୍ କରତେରଇବା, କିରିସଟକେ ବିସବାସ୍ କରତେରଇବା, ପାପେ ରଅନାଇ । ୧୩ ମୁଈ ତରଟାନେ ଆଇବା ଜାକ ବିସବାସିମନ୍ ରୁଣ୍ଡିଲା ବେଲାଇ, ଜେନ୍ତାରି କି ସବୁଲକ୍ ନିକକରି ସୁନ୍‌ଲାପାରା ସାସତର ପଡ଼ିଦେସ୍ । ତେଇର୍ ଅରଡ଼ ସେମନକେ ବୁଜାଇଦେସ୍ । ୧୪ ପରମେସର ତରପାଇସେ ବଲିକରି ଜନ୍ ଦାନ୍ ଦେଲାଆଟେ, ସେ କାମେ ଲାଗିର । ଏଟା ବବିସଡ଼ବକ୍‌ତାମନ୍ ଆରି ପାରତିନମନ୍ ତର ମୁଣ୍ଡେ ଆଡ଼ ସଙ୍ଗଇ ପାରତନା କଲାବେଲେ, ତୁଇ ପରମେସରର୍ ଟାନେଅନି ପାଇରଇଲୁସ୍ । ୧୫ ଏ ସବୁ ବିସଇ ପୁରାପୁରୁନ୍ ମନ୍ ଦିଆନ୍ ଦେଇ କର । ଜେନ୍ତାରକି, ସୁବ୍‌କବର ଜାନାଇବାଟାନେ ଆରି ସିକାଇବାଟାନେ ତୁଇ ଆଗତୁ ଆଗତୁ ଗାଲୁସିନି ବଲି ଲକ୍‌ମନ୍ ଦେକ୍‌ବାଇ । ୧୬ ତୁଇ ଜାଗରଡ଼ ସଙ୍ଗ ଚଲାଚଲ୍‌ତି କର । ଆରି ପରମେସରର୍ ବିସଇ ଜନ୍‌ଟା ସିକାଇଲୁସିନି, ସେ ବିସଇଟାନେ ଜାଗରଡ଼ ର । ଏଟା କରିଲାଗିର । କାଇକେବଇଲେ ସେନ୍ତାରି କଲେ, ତୁଇ ନିଜକେ ଆରି ତର କାତା ସୁନ୍‌ବା ଲକ୍‌କେ ରକିଆ କରସୁ ।



ବିସବାସିମନର୍‌ତି କରବା କାମ୍

୧ ତରଟାନେଅନି ବୟସେ ବଡ଼ ରଇବା ଲକ୍‌କେ ଡାଟ୍‌ସଙ୍ଗ ଦାକାପୁକା ଦେସନାଇ । ତାର ବାଦୁଲେ ନିଜର ବାବାକେ ବାବୁଜିଆ କଲାପାରା ସନ୍‌ମାନ୍ ସଙ୍ଗ କର । ବଇସେ ସାନ୍ ରଇଲା ଲକ୍‌ମନକେ ନିଜର ବାଇ ଇସାବେ କାତା ଅ । ୨ ବଇସେ ବଡ଼ ରଇବା ମାଇଜିମନକେ ନିଜର ମାଆ ପାରା ଆରି ଦାଙ୍ଗଡ଼ିମନକେ ନିଜର ବଇନି ପାରା ମାନିକରି ର । ସେମନକେ ମନେ ମନେ ମିସା ପାପ୍ ଇସାବେ ଦେକ୍‌ନାଇ ।

୩ ରାଣ୍ଡିକୁଣ୍ଡିମନକେ ସନ୍‌ମାନ୍ ଦେକାଇ ଜତନ୍ କର । ୪ ଜଦି କନ୍ ରାଣ୍ଡିମାଇଜିକେ ପିଲାଟକି କି ନାତିତିତି ରଇଲେ, ସେମନ୍

ନିଜର କୁଟୁମ୍ବର ଲକ୍ଷ୍ମୀ ଇସାବେ ତାକେ ଜତନ୍ କରତ୍ । ସେନ୍ତାରି ସେମନ୍ ଆୟା ବାବାମନ୍‌କେ ଆରି ଆନିଦାଦିମନ୍‌କେ ତାକର୍ ଆଲାଦ୍ ବାଉଡାଲ ଦେଅତ୍ । ଏଟା ପରମେସରକେ ସାର୍‌ଦା କରାଇସି ।
 * ଜନ୍ ରାଣ୍ଡିମାଲ୍‌ଜି ଜାକେ କି ଆକାସାକା ନାଇ, ସେ ପରମେସରକେ ଆସାକରିଆଚେ, ସେ ଦିନ୍‌ରାତି ତାକେ ଗୁଆରିକଲାନି, ତାକେସେ ମଣ୍ଡଲିର୍ ବିସ୍‌ବାସିମନ୍ ଜତନ୍ କରବାର୍ ଆଚେ ।^୬ ମାତର୍ ଗଟେକ୍ ରାଣ୍ଡି ମାଲ୍‌ଜି ଅବ୍‌କା ନିଜେ କରବା ବିସଲ ମନ୍‌କରି, ପରମେସର୍ ତାକେ ଜନ୍‌ଟା କର ବଲି ମନ୍ କଲାନି, ସେଟା ନ କରିରଇଲେ, ସେ ବର୍ତ୍ତିରଇକରି ମିସା ମଲା ସମାନ୍ ଆଚେ ।^୭ ରାଣ୍ଡି ମାଲ୍‌ଜିମନ୍‌ ଜତନ୍ ପାଇ ମୁଇ ଜେଡକି ଆଦେସ୍ ଦେଲିଆଟି, ସେଟା ସବୁ ମାନା ବଲି ବିସ୍‌ବାସିମନ୍‌କେ ତିଆର୍ । ଜେନ୍ତାରିକି ସେମନ୍‌କେ କେ ମିସା ନିନ୍ଦା କରି ନାପାରତ୍ ।^୮ କେ ଜଦି, ତାର୍ ନିଜର୍ ଲକ୍ଷ୍ମୀମନ୍‌କେ କି କୁଟୁମ୍ବର ଲକ୍ଷ୍ମୀମନ୍‌କେ ଲଡାକେ ରଇବା ବିସଲ ନ ଦେଲେ, ସେ ଜନ୍‌ଟା ବିସ୍‌ବାସ୍ କଲିନି ବଲି କଇସି, ସେ ସତଇସେ ସେଟା ବିସ୍‌ବାସ୍ କରେନାଇ । ସେ ବିସ୍‌ବାସ୍ ନ କରିରଇବା ଲକ୍ଷ୍ମୀମନ୍‌କେ ଅଦିକ୍ ଇନ୍ ।

^୯ ଗଟେକ୍ ରାଣ୍ଡି ମାଲ୍‌ଜି କଡେଟାରି ବରସ୍ ନ ଅଇଡେ, ତାକେ ରାଣ୍ଡି ବଲି ଲେକା କରବାର୍ ନାଇ । ସେ ଗଟେକ୍ ମୁନ୍‌ସର୍ ସଙ୍ଗ୍‌ସେ ମିସିରଇବାର୍‌ଆଚେ ।^{୧୦} ବିନ୍ ଲକ୍ଷ୍ମୀ ଦେକବା ଇସାବେ, ସେ ବେସି ଦରମ୍ ଅଇ, ବିନ୍ ଲକ୍ଷ୍ମୀକେ ସାଇଜ କରବାର୍ ଆଚେ । ଜେନ୍ତାରି କି ନିଜର୍ ପିଲାମନ୍‌କେ ନିକ ସଙ୍ଗ୍ ବଡାଇରଇସି, ଆଇଲା ଲକ୍ଷ୍ମୀମନ୍‌କେ ଗତିଆ ଇସାବେ ଡାକ୍‌ସି, ପରମେସରର୍ ସୁକଲ୍ ଲକ୍ଷ୍ମୀମନ୍‌ ଗଡ୍ ଦଇଦେଇସି, ଦୁକ୍ କସ୍‌ଟେ ରଇବା ଲକ୍ଷ୍ମୀମନ୍‌କେ ସାଇଜ କରସି, ଲକ୍ଷ୍ମୀମନ୍‌କେ ସାଇଜ କରବାକେ ବିନ୍ ବିନ୍ କାମ୍ କରଡେରଇସି ।

^{୧୧} ଡକ୍‌ରି ନ ରଇବା ରାଣ୍ଡିମନ୍‌କେ ରାଣ୍ଡି ଇସାବେ ଲେକା କର୍ ନାଇ । କାଇକେବଇଲେ ସେମନ୍ ରାଣ୍ଡି ଇସାବେ କିରିସ୍‌ଟକେ ସେବା କରବି ବଲି କାତା ଦେଇରଇଲେ ମିସା, ମୁନ୍‌ସର୍ ସଙ୍ଗ୍ ରଇବି ବଲି ମନ୍ ଆଇଲେ, ଆଗ୍ରୁ ଦେଇରଇବା କାତା ପାସ୍‌ରିଜାଇ ଆରିତରେକ୍ ବିବା ଅଇବାକେ ମନ୍ କରବାଇ ।^{୧୨} ଆରିତରେକ୍ ବିବା ଅଇଲାର୍ ପାଇ ସେମନ୍ ଦସି ଅଇବାଇ । କାଇକେବଇଲେ, ସେମନ୍ ଆଗ୍ରୁ ଦେଇରଇବା କାତା ପୁରାପୁରନ୍ କରତ୍ ନାଇ ।

୧୩ ଏତାର ମିସ୍ତେ ସେମନ୍ ଅଲସ୍ ଅଇବାଟା ସିକ୍‌ବାଇ । ଆର୍ ଗରେ ତାର୍ ଗରେ ଜାଇ ବେଲା ବିତାଇବାଇ । ତିପୁଲ୍ କାତା କଇ ବିନ୍ ଲକର୍ ବିସଇ କାତାବାର୍‌ତା ଅଇବାଇ । ୧୪ ତେବର୍‌ପାଇ ଡକ୍‌ରି ନ ରଇବା ରାଣ୍ଡିମନ୍‌କେ ମୁଇ ତିଆର୍‌ଲିନି, ଆରିତରେକ୍ ଗର୍ ବସାଇ ପିଲାଟକିର୍ ଜତନ୍ କରା । ସେନ୍ତାରି କଲେ ଆମର୍ ବିରଦିମନ୍ ଆମ୍‌କେ ନିନ୍ଦା ନ କରଡ୍ । ୧୫ କାଇକେବଇଲେ ସେମନ୍ ପର୍‌ମେସର୍‌ର ଟାନେଅନି ଦୁରିକେ ଜାଇ ସଇତାନର୍ ସଙ୍ଗ୍ ଜିଇବାକେ ଆରାମ୍ କଲାଇ ଆଟଡ୍ । ୧୬ ଜଦି କନ୍‌ଆଲେ ମାଇଜି କିରିସଟକେ ବିସ୍‌ବାସ୍ କରସି, ଆରି ତାର୍ କୁଟୁମେ ରାଣ୍ଡିମାଇଜିମନ୍ ରଇବାଇ, ସେ ଆକା ସେମନ୍‌କେ ସାଇଜ କରବାର୍ ଆଟେ । ବିନ୍ ବିସ୍‌ବାସିମନ୍ ସେ ଦାଇଡ୍ ନେଇ କରଡ୍ ବଲି ସେ ଆସା କରବାର୍ ନାଇ । ଏଟା ଜେନ୍ତାରିକି ଜାକେ ଆକାସାକା ନ ରଅଡ୍ ସେମନ୍‌କେ ବିସ୍‌ବାସିମନ୍ ଜତନ୍ କରିପାରଡ୍ ।

୧୭ ଜନ୍ ପାର୍‌ଚିନ୍‌ମନ୍ ମଣ୍ଡଲିର୍ ନେତା ଅଇ ଡାକିନେଲାଇନି, ସେମନ୍ ଦୁଇଗୁନ୍ ବୁଡି ପାଇବା ଦର୍‌କାର୍ । କାଇକେବଇଲେ ସୁବକବର୍ ଜାନାଇବାଟା ଆରି ସିକାଇବାଟା ସେମନ୍‌କେ ଦାଇଡ୍ ଇସାବେ ଦେଲାଇ ଆଟଡ୍ । ୧୮ ✱ସାସ୍‌ତରେ ଜେନ୍ତି ଲେକାଅଇଲା ଆଟେ, ଗାନାଇ ଦାନ୍ ମାଣ୍ଡାଇବାବେଲେ ବଲଦର୍ ଟଣ୍ଡେ କଡ୍‌ରା ବାନ୍ଦା ନାଇ ଆରି କାମ୍ କରୁ ସାଉକାର୍‌ଟାନେଅନି ତାର୍ କୁଲି ପାଇସି ଆକା । ୧୯ ଗଟେକ୍ ପାର୍‌ଚିନ୍ ବିରୁଦେ ନିନ୍ଦା କାତା ଉଟ୍‌ଲେ, ଦୁଇ କି ତିନିଲକର୍ ସାକି ନଇଲେ, ସେଟାକେ ମାନ୍ ନାଇ । ୨୦ ପାପେ ରଇବା ଗଟେକ୍ ପାର୍‌ଚିନ୍‌କେ ସବୁର୍ ମୁଆଟେ ଲାଗ୍ । ଜେନ୍ତାରିକି ବିନ୍ ପାର୍‌ଚିନ୍‌ମନ୍ ସେନ୍ତାରି ପାପ୍ କରବାକେ ଡରବାଇ ।

୨୧ ଆମର୍ ବାବା ପର୍‌ମେସର୍ ଜିସୁକିରିସ୍‌ଟ ଆରି ସେ ବାଟିରଇବା ଦୁଡମନ୍‌କେ ସାକିକରି ମୁଇ ତକେ ତିଆର୍‌ଲିନି, ମୁଇ ତିଆର୍‌ଲା ଏ ସବୁ ବିସଇ କାଇ ବଡ୍‌ସାନ୍ ନ ଦେକିକରି କର୍ । ୨୨ ଗଟେକ୍ ଲକ୍‌କେ ପରିକା ନ କରବା ଜାକ ତାକେ ମୁକିଅ ଇସାବେ, ତର୍ ଆଡ୍ ତାର୍ ମୁଣ୍ଡେ ସଙ୍ଗାଇ, ସେବା କାମର୍ ପାଇ ସରପ୍ ନାଇ । ନଇଲେ ତାର୍ ପାପର୍ ପାଇ, ତୁଇ ଦାଇ ଅଇସୁ । ତୁଇ ନିଜେ ପାପ୍ ନ କରବାକେ ଜାଗ୍‌ରଡ୍ ର ।

୨୩ ଆରି ରୁଚା ପାନି ନ କାଇକରି ତର ପେଟର ଲାଗି ଅଲପ୍ ଅଲ୍ପୁର୍ ମଦ୍ ମିସା କାଆ । କାଇକେବଇଲେ ତୁଇତା ସବୁବେଲେ ନିକ ରଉସ୍ ନାଇ ।

୨୪ କେତେ ଲକ୍ ସବୁର୍ ଦେକ୍ତେ ପାପ୍ କଲାଇନି । ଜେନ୍ତ୍ରକି ତୁଇ ସେଟା ଜାନିପାରୁଲୁସ୍ନି । ସେମନ୍ ର ଚଲାଚଲ୍ତି ପରିକା କର୍ବା ଆଗ୍ତୁ, ତୁଇ ସେଟା ଜାନସୁ । ମାତର ଆରି କେତେଲକର୍ ପାପ୍ ବେସି ଦିନ୍ ଅଇଲେ ମିସା ଜାନି ନର୍ । ୨୫ ସେନ୍ତାରିସେ କେତେ ଲକ୍ କର୍ବା ନିକ ବିସଇ ସବୁକେ ଡିସ୍ସି । ସେମନ୍ କର୍ବା ନିକ ବିସଇ ଦାପ୍ରେ ନ ଡିସ୍ଲେ ମିସା କେତେଦିନ୍ ପଟେ, ସେଟା ଲକ୍ମନ୍ ଜାନବାଇ ।



୧ ଜନ୍ ବିସ୍ବାସିମନ୍ ଗତିଦାଙ୍ଗ୍ତା ଇସାବେ ଗଟେକ୍ ସାଉକାର୍ ତଲେ କାମ୍ କଲାଇନି, ସେମନ୍ ତାକର୍ ସାଉକାର୍ମନ୍କେ ଅଦିକ୍ ସନ୍ମାନ୍ ଦେବାର୍ ଆଟେ । ଜେନ୍ତାରି କି, ପର୍ମେସରର୍ ନାଉ ଆରି ଆମେ ସିକାଇବାଟା କେ ନିନ୍ଦା ନ କରତ୍ । ୨ ଜଦି ତାକର୍ ସାଉକାର୍ମନ୍ କିରିସ୍ଟକେ ବିସ୍ବାସ୍ କଲାଇନି, ସେନ୍ତାରିଆଲେ ବିସ୍ବାସି ସାଉକାର୍ମନ୍କେ, ବିସ୍ବାସ୍ ନ କର୍ବା ସାଉକାର୍ମନ୍ ତେଇଅନି, କିରିସ୍ଟର୍ଟାନେ ବାଇ ଇସାବେ ସନ୍ମାନ୍ ଉନା ଦେକାଇଲେ ଅଇସି ବଲିକରି ବାବ୍ବାର୍ ନାଇ । ତାର୍ ବାଦୁଲେ ସେମନ୍ରପାଇ ଅଦିକ୍ ଆବଡ୍ କାମ୍ କର୍ବାର୍ ଆଟେ । କାଇକେବଇଲେ ସେମନ୍ ଜନ୍ ସାଉକାର୍ପାଇ କାମ୍ କଲାଇନି, ସେମନ୍ ମିସା ବିସ୍ବାସି ଲକ୍ । ଆରି କିରିସ୍ଟର୍ଟାନେ ବାଇ ଇସାବେ ଆଲାଦ୍ କଲାଇନି । ବିସ୍ବାସି ମନ୍କେ ଏ ସରତେ ବିସଇ ସିକାଆ । ଆରି ସେଟା କର୍ବାକେ ସେମନ୍କେ ସାର୍ଦା କର୍ ।

ବୁଲ୍ ସିକିଆ ଆରି ସଡ୍ ଦନ୍

୩ ଜଦି କେ ବୁଲ୍ ବିସଇ ସିକାଇଲାଇନି, ଆରି ଆମର୍ ମାପୁରୁ ଜିସୁକିରିସ୍ଟର୍ ସଡ୍ ସିକିଆଟାନେ ରାଜି ନ ଅଅଡ୍, ୪ ସେନ୍ତାରି ଲକ୍ ବେସି ବଡ୍ପନିଆ ଆରି ସେ କାଇଟା ନାଜାନେ । ସେ ସବୁବେଲେ ଦଦାପେଲା କରି କାଇ ମୁଲିଅ ନ ରଇବା ବିସଇନେଇ ଜଗ୍ତାଜାଟି କରତେରଇବାକେ ମନ୍ କର୍ସି । ଏନ୍ତାରି କରି କରି ଲକ୍କେ ଛିସା କର୍ବାଟା, କିରଜାଟି କର୍ବାଟା, ନିନ୍ଦା କର୍ବାଟା ଆରି କାରାପ୍ ଚିନ୍ତା,

୫ ଗଟେକ୍ ଲକ୍ ଆରି ଗଟେକ୍ ଲକର୍ ସଙ୍ଗ୍ କିରଜାଟି ଅଇ ଲାଗି ରଇସି । ସେନ୍ତାରି ଲକର୍ ମନ୍ କାରାପ୍ ଅଇଲା ଆତେ ଆରି ସତ୍ ବିସଇ ତାକର୍ ମନ୍କେ ନ ଜାଏ । ସେମନ୍ ପର୍ମେସରର୍ ବିସଇ ସିକାଇତେରଇଲେ ତାବୁ ମିଲତେରଇସି ବଲି ବାବ୍ଲାଇନି ।

୬ ତାର୍ ବାଦୁଲେ ଆମେ ଜେଡେବେଲେ ପର୍ମେସର୍କେ ସାର୍ଦା କରାଉଁ, ଆରି ଆମ୍ବକେ ଜେଡକି ଆତେ ସେଡକି ସଙ୍ଗ୍ ସୁସ୍ତା ସଙ୍ଗ୍ ରଉଁ, ତେବେ ଆମେ ଜବର୍ ଅଇତେ ମିଲାଆତୁ । ୭ କାଇକେବଇଲେ ଆମେ ଜନମ୍ ଅଇଲାବେଲେ ରୁଟାଆତେ ଆଇଲୁ, ଆରି ଜେଡେବେଲେ ମର୍ବୁ, ରୁଟା ଆତେସେ ଉଟିଜିବୁ । ଠ ତେବେ ଆମ୍ବକେ ଲତାକେ ଆଇବା କାଦି ଆରି ପିନ୍ଦବାକେ ବସ୍ତର୍ ରଇଲେ ସେଡକିସଙ୍ଗ୍ ସୁସାରେ ରଇବାର୍ ଅଇସି । ୯ କେତେ କେତେ ଲକ୍ ସାଉକାର୍ ଅଇବାକେ ଏନ୍ତି ମନ୍ କର୍ବାଇଜେ, ସେମନ୍ ଜିବନେ କାଇ ପରିକା ଆଇଲେ ମିସା ତେଇ ଅଦର୍ବାଇ । ଗଟେକ୍ ପସୁ ପାରା ପାନ୍ଦେ ଲାଗ୍ବାଇ । ଜେଡକି ବିସଇ ତାକର୍ପାଇ ଆରି ବିନ୍ ଲକର୍ ପାଇ କାରାପ୍ ଆରି ବିପଦ୍ ଆନ୍ସି, ସେ ସବୁ ବିସଇ କର୍ବାକେ ମନ୍ କର୍ବାଇ । ଏନ୍ତାରି ମନ୍ କର୍ବାଟା ଅଦିକ୍ ଅଦିକ୍ ବାବି, ସେମନ୍ କୁରୁପ୍ନାସ୍ ଅଇଜିବାଇ । ୧୦ କାଇକେବଇଲେ ଜନ୍ ଲକ୍ମନ୍ ତାବୁ ଆସାକରି ଆତଡ୍, ସେ ତାବୁ ମିଲାଇବାକେ ବିନ୍ ବିନ୍ ରକାମର୍ କାରାପ୍ ବିସଇ କର୍ବାକେ ମନ୍ କର୍ବାଇ । କେତେଲକ୍ କିରିସଟର୍ ବିସଇଟାନେ ରଇବା ସିକିଆ ବିସ୍ବାସ୍ କର୍ବାଟା ଦିରେ ଦିରେ ଚାଡିଦେଇଆତଡ୍ । କାଇକେବଇଲେ ସେମନ୍ ତାବୁ ମନ୍କଲାଆ ଆରି ନିଜେ ବୁସିଅଇଲା ଲକ୍ପାରା ବେସି ରକାମ୍ ଦୁକ୍ କସ୍ଟେ ପଡ୍ଲାଆତଡ୍ ।

ପାଉଲର୍ ସାରାସାରି କାତା

୧୧ ମାତର୍ ଏ ତିମତି, ତୁଇ ଗଟେକ୍ ପର୍ମେସରର୍ ଲକ୍ । ତୁଇ ଏମାମନ୍ ଚାଡିଦେସ୍ । ସତ୍ ବିସଇଆକା କର୍ବାକେ ବେସି ଆବଡ୍ ଅ । ପର୍ମେସର୍ ଜେନ୍ତି ମନ୍ କଲାନି, ସେନ୍ତାରି ଚଲାଚଲ୍ତି କର୍ । କିରିସଟକେ ବିସ୍ବାସ୍ କର୍ । ବିନ୍ ଲକ୍ମନ୍କେ ଆଲାଦ୍ କର୍ । ପର୍ମେସର୍ ତିଆର୍ଲାଟା ମାନ୍ବାକେ କେ ଚାଡନାଇ । ଲକ୍ମନ୍ର୍ ସଙ୍ଗ୍ ରିସା ଅ ନାଇ । ୧୨ ଗଟେକ୍ ନିକ ସଇନ ଜେନ୍ତାରି

ଜୁଇଦେ ଜୁଇବାକେ କେବେ ନ ଚାଡ଼େ, ସେନ୍ତାରିସେ ତୁଇ ମିସା
 ପରମେସରକେ ବିସ୍‌ବାସ୍ କରି ତାର୍ ତିଆରଲାଟା ମାନୁବାକେ
 ଚାଡ଼ନାଇ । ଜନ୍ ନ ସାର୍‌ବା ଜିବନ୍ ପରମେସରରୁଟାନେ ଆଚେ,
 ସେଟା ତୁଇ ନିଜରପାଇ ଆନ୍ । ସେ ବିସଇ ମିଲାଇବାକେ ବେସି
 ଲକର ମୁଆଟେ କାତା ଦେଇରଇଲୁସ୍ । ^{୧୩} ✱ ପରମେସର ମର ସାକି,
 ଜେ କି ସବୁକେ ବର୍ବାକେ ଦେଇସି । ଆରି ଜିସୁକିରିସଟ ଜେ କି,
 ପନ୍ତୁଅ ପିଲାଡ଼ ପାଟାରଲା ବେଲେ ସଡ଼ କଇଲା, ଏ ଦୁଇ ଲକର ସାକି
 ନେଇକରି ମୁଇ ତକେ ତିଆରଲିନି, ^{୧୪} ଆମର ମାପରୁ ଜିସୁକିରିସଟ
 ବାଉଡ଼ି ଆଇବା ଜାକ ମୁଇ ତକେ ତିଆରିରଇବା ଜେଡ଼କି ସବୁ
 ବିସଇ ମାନିକରି, କାଇ ନିନ୍ଦା ନ ଅଇତେ ର । ^{୧୫} ସେ ବାଉଡ଼ି
 ଆଇବାଟା ପରମେସର ଟିକ୍ କଲା ବେଲାଇ ଗଟ୍‌ସି, ସେ ଗଟେକ୍
 ଲକ୍‌ସେ ସାସନ୍‌କାରିଆ । ସେ ସେ ରାଜାମନର ଉପରେ ରଇବା
 ରାଜା ଆରି ମାପରୁମନର ଉପରେ ରଇବା ମାପରୁ । ^{୧୬} ସେ କାଲ୍
 କାଲ୍ ଜୁଗ୍ ଜୁଗ୍ ବର୍ସି ଆରି ତାର୍ ଚାରିବେଟ୍‌ତି ରଇବା ଉଜଲେ କେ
 ଆସିନାପାରଡ଼ । ବର୍ଟି ରଇବା କେ ମିସା ତାକେ ଦେକଡ଼ ନାଇ ଆରି
 କେବେ ମିସା ଦେକିନାପାରଡ଼ । ଲକ୍‌ମନ୍ ତାକେ ଡାକ୍‌ପୁଟା କରବାଇ
 ଆରି ତାରୁଟାନେ ସବୁବେଲେ ବେସି ବପୁ ରଇସି । ଆମେନ୍ ।

^{୧୭} ଏ ଜିବନର ବିସଇନେଇ ଜେଡ଼କି ଲକ୍‌ମନ୍ ସାଉକାର୍
 ଅଇ ଆଚଡ଼, ବିନ୍ ଲକ୍‌ମନରୁଟାନେଅନି ସେମନ୍ ନିକ ବଲି ନ
 ବାବବାକେ ତିଆର । ଦନ୍ ସପତି ଉପରେ ବେସି ଆସା କରବାର୍
 ନାଇ ବଲି ସେମନ୍‌କେ ସିକା । କାଇକେବଇଲେ ତାରୁ ଦାପ୍‌ରେ
 ମାୟାଅଇଜାଇସି । ତାର୍ ବାଦୁଲେ ସେମନ୍‌କେ ଲତାକେ ଲାଗ୍‌ବା
 ବିସଇ ସବୁ ଦେବାକେ ପରମେସରରୁଟାନେ ଆସା ରକ୍‌ବାକେ
 ସିକାଇଦେସ୍ । ସେ ଆକା ଆମରପାଇ କାଇଟା ନ ଦେକି, ସବୁ
 ବିସଇ ସାର୍‌ଦା କରବାକେ ଦେଇସି । ^{୧୮} ଦରମ୍ ମନେ ଲକ୍‌ମନ୍‌କେ
 ସାଇଜ କରବାକେ ସେମନ୍‌କେ କଇଦେସ୍ । ଅରକିଡ଼ ଲକ୍‌ମନ୍‌କେ
 କାଇଟା ନ ବାବି ଦେବାକେ, ତାକର ଟାନେ ରଇଲାଟା ସାର୍‌ଦା ସଙ୍ଗ୍
 ବାଟାକରବାକେ କଇଦେସ୍ । ^{୧୯} ଏନ୍ତାରି ତାକର ନିକ କାମ୍‌ସବୁ
 ଗଟେକ୍ ବଡ଼ ଦନ୍ ଇସାବେ ସେମନ୍ ସରଗେ ସଙ୍ଗାଇଆଚଡ଼ ।

✱ ୬:୧୩ ୬:୧୩ ଜଅନ୍ ୧୮:୩୭

ସେନ୍ଧାର ଆଲେ ସେମନ୍ ତାକର ନିଜରପାଇ ଜିବନ୍ ମିଲାଇବାଇ ।

୨୦ ଏ ତିନି, ପରମେସର ତକେ ଜନ୍ତା କରବାକେ ଦାଇଡ଼ ଦେଲାଆରେ, ସେ ଦାଇଡ଼ ନିକ ସଙ୍ଗ କର । ଆସା ନ ରଇବା ରୁତା କାତା, କାଇ ଲତାକେ ନ ଆଇବା କାତାବାରତା ଆରି ପରମେସରର ବିସଇଟାନେ ରଇବା ସଡ଼ ସିକିଆ ଜନ୍ ଲକ୍ ବିରଦ୍ କଲାଇନି, ସେମନର ଟାନେଅନି ଦୁରିକେ ର । ସେଟା ସେମନ୍ ସିକ୍‌ବା ଗିଆନ୍ ବଲି ବୁଲ୍ ବୁଜଲାଇନି । ୨୧ ଏ ବୁଲ୍ ସିକିଆ କେତେଲକ୍ ମାନିକରି କିରିସଟର ବିସଇଟାନେ ରଇବା ସଡ଼ ସିକିଆ ଚାଡ଼ିଦେଇଆଚଡ଼ । ପରମେସର ଜିବନ୍ ଦୁକାଇ ଦୟା ଦେକାଇଲାଟା ତର ସଙ୍ଗ ସବୁବେଲେ ରଅ । ଆମେନ୍ !

ସତ୍ତ୍ୱର ବାବ୍
The New Testament in the Desiya language of India:
ସତ୍ତ୍ୱର ବାବ୍ (Bible)

copyright © 2020 The Word for the World International

Language: ଦେଶିଆ (Desiya)

Contributor: The Word for the World International

ସତ୍ତ୍ୱର ବାବ୍
ଦ୍ୱିତୀୟା ନିୟମ, 2020

The New Testament in Desiya Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-08

PDF generated using Haiola and XeLaTeX on 21 Feb 2024 from source files dated 9 Apr 2023

cd4d7c1f-dc97-5fb4-a0ba-ab968fde9cde